



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Matthaei Tympii Aureum Specvlvm Principvm,
Consiliariorvm Ivdicvm, Consvlvm, Senatorvm, Et Aliorvm
Magistratvum Cvm Ecclesiasticorum tum Politicorum
omnium**

Tympe, Matthäus

Coloniae Agrippinae, 1617

78 Sepulchrorum nimios sumptus vitare.

[urn:nbn:de:hbz:466:1-52641](https://nbn-resolving.org/urn:nbn:de:hbz:466:1-52641)

dijs animantis magnam in reliquis membris alterationem facit: ita in summis viris (qui sunt veluti præcordia ciuitatis) minima contentio, inter ciues maximam seditionem parit. Adhæc, Nobiles sunt columina Ciuitatis: ergo si seditionibus distrahantur illi, necesse est vt totum ædificium ruat. Iterum, Magni & clari viri magnos animos, magnas opes & potentiam habent: ergo sine magno ciuitatis damno & periculo seditiosi non fiunt.

Vt autem vitetur hoc in Rep. malum, nulli in eam admittendi sunt hæretici. Romæ enim sectio excitabatur, quando Hetruscorum noua religione ciuitas esset infecta. Magnæ autem ciuitates nocent illud Hannibalis apud Liuium: Nullam magnam ciuitatem diu quiescere posse: si foris hostem non habet, domi inuenit: vt præualida corpora ab externis causis tuta videntur, sed suis ipsa viribus onerantur.

SIGNVM LXXVIII.

NIMIOS SEPVLCHRORVM
sumptus vitare.

I. **D**emetrius Poliorcetes Rex nouis sepulchris modum statuit, sanxitque super defuncti cineres erigi columellam, quæ ultra cubitos tres non extaret. *Alex. ab Alex. lib. 6. cap. 14.* Etiam *Plato. 12. de Leg.* sepulchra fieri magnis impensis vetuit. Sanxit & *Solon*, ne quis sepulchrum faceret operosius, quàm quod decem homines efficiant diebus tribus. *Cic. 2. de Leg. Vide Iacobi Pontani Progymnasm. Tom. 3. par. 2. pag. 936.*

Omnia

*Omnia Caesar erat, sed gloria Caesaris esse
Desijt, & tumulus rex erat octo pedum.*

Notum illud *Isaia* 22. v. 16. ad Sobnam: *Excidisti
tibi sepulchrum, excidisti in excelsis memoriale di-
ligenter, &c. Ecce, Dominus asportari te faciet,
&c.*

2. Epitaphium *Caroli V. Imp.* tanti, quantum
pauca retro sæcula viderunt:

Carolus Quintus hic iacet intus:

Ora pro eo bis, aut ter;

Aue Maria, & Pater noster.

3. *Cynus* moriens, Meum corpus, ait, cum dece-
sero, nolite neque in auro, neque in argento, ne-
que in alio aliquo lapide collocare: sed statim
terræ reddito.

4. *Frontinus* crebris sermonibus vsurpabat: im-
pensam monumenti superuacaneam esse: memo-
riam nostram vtique duraturam, si virtute, & re-
ctè factis mereamur. *Dio Cass.* Virtus, & vitæ in-
tegritas, sufficiunt ad propagandam memoriam.

5. Rectè *Marulus lib. 5. cap. 10.* ait: Desine pecca-
tor magnifica tibi exstruere monumenta, & im-
modico sumptu stupendis artificum operibus ex-
ornare. Ecce, qui cum Deo colloquebantur, sepe-
liri voluerunt in spelunca: & ne impensas de-
fuisse credas, diuites erant: vt Abraham, Isaac,
&c.

6. *Marcellus I. C.* cum pecunia fuerit legata ad
sepulchrum faciendum, non esse amplius conce-
dendum statuit, quàm quod ad modicam monu-
menti speciem sufficiat. *Vide lib. 3. Cod. t. 44. de
sumptibus funerum.*

Nnn 5

SIG-